

The Digital Viridarium consolationis Project

Pars 4: De aliis virtutibus Caput 9: De correctione fraterna (5)

Gregorius in moralibus exponens illud:

Qui sine peccato est etc. ait:

Postulatur dominus iudicare peccatricem,
non statim dedit iuditium sed prius se inclinans deorsum,
in terra scribebat
nos tipice instruens,
ut cum quilibet proximorum errata conspicimus,
non ante ea reprehendendo iudicemus,
quam ad conscientiam nostram reversi digito discretionis,

quid in ea conditori placeat,
quidve displiceat examinemus iuxta illud apostoli:

Considerans te ipsum ne et tu tempteris.

Unde qui sine peccato est ait:

Prius vos ipsi iustitiam implete,
et sic innocentes ad lapidandam ream concurrite.

Postulatus ergo dominus iudicare de peccatrice
non statim dat iudicium sed prius se inclinans deorsum
digito scribit in terra
ac sic demum cum obnixe rogatur iudicat nos uidelicet typice instituens
ut cum quaelibet proximorum errata conspicimus
non haec antea reprehendendo iudicemus
quam ad conscientiam nostram humiliter reuersi digito eam discretionis
solerter exculpemus et
quid in ea conditori placeat
quidue displiceat sedula examinatione dirimamus iuxta illud apostoli:
Fratres, etsi praecipitatus fuerit homo in aliquo delicto,
uos qui spirituales estis instruite huiusmodi in spiritu mansuetudinis eius
considerans te ipsum ne et tu tempteris....

Beda Venerabilis, *Homiliarum euangelii libri II.*, 1.25
(CCSL 122, D. Hurst ed., pp.179-80, ll.58-69).

Primo uos ipsi iustitiam legis implete
et sic innocentes manibus et mundo corde ad lapidandam ream concurrite.

Beda Venerabilis, *Homiliarum euangelii libri II.*, 1.25
(CCSL 122, D. Hurst ed., p.180, ll.84-86).